

# Cyngor Cymuned Llanystumdwy

Rhaglen waith y Cyngor – nos Iau, 2 Ebrill 2026 yn brydlon am 7:00 yr hwyr yn Ffestri Pencaenewydd, a drwy Zoom.

1. Croeso gan y Cadeirydd ac ymddiheuriadau.
2. Cyflwyno a chadarnhau cofnodion cyfarfod 5 Mawrth 2026.
3. Llofnodi cadarnhâd taliadau BACS mis Mawrth 2026.
4. Datgan buddiant personol.
5. Sedd newydd yn Ward Llanystumdwy manylion cyfethol wedi cael ei rhoi ar y wefan a hysbysfwrdd Llanystumdwy hefo dyddiad cau 31.03.2026.
6. Materion gan Cyngor Gwynedd
7. Cau ffordd o groesffordd Brynlllefrith Uchaf i gyffordd Capel Pencoed, Llangybi 20.04.2026, i wneud gwaith newid polyn. Disgwylir y gellir cwblhau'r gwaith o fewn 2 - 3 diwrnod.
8. Terfyn cyflymder 30 milltir yr awr Ffordd Dosbarth 3 Afonwen - Chwilog - cynnig ystyried yr uchod. Angen sylwadau ac os na dderbynir ymateb, cymerir yn ganiataol nad oes gwrthwynebiad.
9. Adroddiad Blynyddol Cyngor Cymuned 01.04.2024 - 31.03.2025 - bydd y Clerc wedi ei anfon at bawb o flaen y cyfarfod.
10. Cais cynllunio sydd angen penderfyniad - dim.
11. Rheilffordd Cambrian - derbyniwyd ebost yn gofyn am gefnogaeth i wneud gwellianau i'r rheilffordd. Mae Llywodraeth Cymru wedi cyhoeddi byddant yn rhoi arian tuag at wella rheilffyrdd Wrecsam i Lerpwl, Caer, prif reilffordd arfordir gogledd a gorllewin Cymru ac yn ardal Caerdydd, ond dim y Cambrian.
12. Llwybrau yn y gymuned - derbyniwyd cais gan Gyngor Llanengan yn mynegi pryder am gyflwr llwybrau'r gymuned, sef Pen Llŷn yn benodol. Mae hyn o ganlyniad i'r troedio a wneir arnynt yn ystod yr amrywiol rasys cerdded/rhedeg a gynhaliwyd eisoes a'r rhai sydd i ddod (llawer mwy eleni o gymharu â'r llynedd), yn arbennig ar ôl y tywydd gwlyb a gafwyd yn ddiweddar. Mae'r niferoedd yn peryglu'r llwybrau ac fe beidiwyd a chynnal un ras yn ddiweddar i arbed y dirwedd ar gyfer y 'SheUltra' ar 11.04.2026. Deallwyd y bu cryn broblemau ar ran mwdlyd o'r llwybr yn ardal Anelog yn ystod y ras a gynhaliwyd. Ategwyd hyn drwy ddweud y "dylai'r trefnwyr, sydd yn cael yr arian yn hytrach nag elusennau, dalu neu o leiaf gyfrannu at gynnal a chadw'r llwybrau ar gyfer cerddwyr eraill sydd am ei defnyddio. Yn naturiol, derbynnir yr elwa'r ardal o ran y cystadleuwyr a ddaw yma ond, rydym ni fel cynghorau yn ceisio cadw trefn ar y llwybrau trwy eu cynnal a'u cadw'n flynyddol". Gofynwyd am farn y Cyngor Cymuned ar y mater.

## Materion yn y gymuned.

### 13. Llanystumdwy

a) Cae'r Felin - taith safle i stâd dai newydd Tai Gogledd Cymru. Bu rhai o'r Cynghorwyr a'r Clerc yn gweld y tai ar 19.03.2026, cyn i'r tenantiaid gael ei goriadau.

b) Ail beintio'r llinellau melyn drwy'r pentref - derbyniwyd cais yn gofyn am gael ail beintio'r llinellau melyn drwy'r pentref ac o flaen yr ysgol oherwydd nad oeddent yn glir erbyn hyn.

### 14. Rhoslan/Ynys

Lon rhwng Tyddyn Felin, Ynys - Tu Hwnt i'r Afon, Ynys, - cyflwr y lon yn ddrwg iawn yn enwedig y tro ger mynedfa Tu Hwnt i'r Afon.

### 15. Chwilog

Lloches bws ger Maes Myrddin - derbyniwyd ebost gan Cyngor Gwynedd yn dweud ei bod wedi derbyn cwyn gan aelod o'r cyhoedd am gyflwr y lloches bws. Clerc wedi cysylltu hefo Mr Dafydd Wheldon Hughes, Swyddog Cludiant, Cyngor Gwynedd ac mae wedi cadarnhau y gwnaiff roi cais am loches newydd ar y safle, ar ei rhestr nhw, yn ddi-gost i'r Cyngor Cymuned, fel cais am uwchraddio. Bydd hyn yn digwydd yn ystod y flwyddyn ariannol sydd yn dod.

Yn y cyfamser, mae angen cysidro peintio y rhannau sydd wedi rhydu a cheisio gosod y panel sydd wedi dod i ffwrdd yn nol.

### 16. Pencaenewydd/Sardis

### 17. Llangybi

### 18. Materion Ariannol

#### Adroddiad Ariannol gan y Clerc a'r Swyddog Ariannol Cyfrifol.

Bydd y Clerc yn anfon ebost at y cynghorwyr i gyd cyn y cyfarfod, drwy gynnwys dogfen 'excel' o'r sefyllfa ariannol hyd at 31.03.2026. Mae hyn yn cadw golwg manwl ar y gwariant sydd eisioes wedi ei wneud.

19. Cyswllt Zoom cyfarfodydd misol Cyngor Cymuned - cyswllt zoom wedi cael ei ddefnyddio ers 6 mlynedd rwan. Mae problemau o dro i dro lle mae'n anodd clywed trafodaeth yn rhithiol, a bod y linc yn cau ar ol 40 munud. Mae newid wedi digwydd fis diwethaf pan roedd oedi o 10 munud cyn medru cael cyswllt yn nol. Angen trafod.

20. Cae Chwarae, Llangybi mae cwmni Fields in Trust wedi cynnig cynnal yr archwilio blyneddol nesaf am gost o £150.00 a threth ar werth. Angen anfon ateb cyn 01.05.2026.

21. Cronfa Cefnogi Cynghorau gan Gwynedd Ni - derbyniwyd gwybodaeth bydd y gronfa yma yn ail-agor eleni, ac mai cronfa cyfalaf yn unig fydd o felly ni fydd cyngerdd neu ddigwyddiad yn gymwys.

Bwriad y gronfa yw cefnogi prosiectau cyfalaf sy'n gwella gofodau cymunedol, manau cyhoeddus ac yn cyfrannu at adfywio lleol, ac mae'r dyddiad cau 15.06.2026.

Mae angen meddwl am syniadau erbyn nos Iau, 02.04.2026, fel y gallwn ei ystyried, a threfnu i gael prisiau, ac i'r Clerc gael cyfle i holi Alys cyn dechrau gwneud y cais.

Mae 1622 o etholwyr o fewn Cymuned Llanystumdwy, felly gellir gwneud cais hyd at **£7,000.00** eleni.

22. **Taliadau** BACS angen cael ei gwneud yn dilyn y cyfarfod:

Enw	Rheswm	Pris £	TAW £	Cyfanswm Taliad £	Taliad BACS £
Criccieth Cleaning	Llochesi bws (3997)	<b><u>174.54</u></b>	<b><u>34.91</u></b>	<b><u>209.45</u></b>	<b><u>209.45</u></b>
Capel Pencaenewydd	Cyswllt Wifi rhwng Ionawr - Rhagfyr 2025	<b><u>648.84</u></b>		<b><u>648.84</u></b>	<b><u>648.84</u></b>
Cyngor Gwynedd	Gwagio bin baw ci - Lon y Plas, Chwilog 007950B0083840B	<b><u>215.28</u></b>	<b><u>43.06</u></b>	<b><u>258.34</u></b>	<b><u>258.34</u></b>

23. Cyflog mis Mawrth 2026 y Clerc i'w rannu rhwng y Clerc a Chyllid a Thollau EM.

Enw/Rheswm	Swm £	Cyfanswm Taliad net £	Taliad BACS:- £
Cyflog sylfaenol y Clerc, Mawrth 2026 35 awr y mis x £18.85 = <b><u>£659.75</u></b> a	£659.75 Llai treth- £132.00 = <b><u>£527.75</u></b>	<b><u>527.75</u></b>	<b><u>527.75</u></b>
Cyllid a Thollau EM Treth ar enillion y Clerc Mawrth 2026 £660.00 x 20% = £132.00	<b><u>£132.00</u></b>	<b><u>132.00</u></b>	<b><u>132.00</u></b>
Costau swyddfa Clerc Mawrth 2026	<b><u>26.00</u></b>	<b><u>26.00</u></b>	<b><u>26.00</u></b>

24. **Materion hwyr**

Bydd angen trefnu dyddiad a lleoliad arwahan i'r 07.05.2026 i gynnal y cyfarfod blynyddol nesaf oherwydd bod yr etholiad. Efallai 30.04.2026 neu 14.05.2026.